



Ffioedd tribiwnlys cyflogaeth ar gyfer unigolion

O'r 29 Gorffennaf 2013 ymlaen

Gwybodaeth bwysig

Mae'r daflen hon yn nodi'r ffioedd ar gyfer unigolion sydd eisiau gwneud hawliad i'r tribiwnlys cyflogaeth. Mae'n egluro ble y gallwch ddod o hyd i ragor o fanylion ynglŷn â'r cynllun dileu ffioedd, os ydych yn credu y gallwch fod yn gymwys. (Mae'r cynllun dileu ffioedd yn lleihau neu'n dileu ffi yn gyfan gwbl ar gyfer rhai unigolion sy'n derbyn budd-daliadau penodol, neu unigolion sydd ag incwm llai na lefel arbennig).

Os ydych yn dwyn apêl megis apêl ardoll hyfforddiant neu apêl yn erbyn penderfyniad i beidio â thalu tâl dileu swydd allan o'r Gronfa Yswiriant Gwladol, mae'r daflen hon yn dal yn berthnasol i chi, a gelwir eich apêl yn 'hawliad' drwy'r daflen i gyd.

Mae rhestr lawn o ffioedd pob tribiwnlys ar gael ar ein gwefan yn <https://www.gov.uk/employment-tribunals/legislation>

Os ydych yn chwilio am wybodaeth ar y ffioedd y bydd rhaid i chi eu talu **os yw eich hawliad yn rhan o hawliad fel grŵp**, edrychwch ar y daflen T436 'Ffioedd tribiwnlys cyflogaeth ar gyfer grwpiau' yn <http://hmctsformfinder.justice.gov.uk>

Os ydych yn chwilio am wybodaeth ar y ffioedd fydd yn rhaid i chi eu talu **yn y Tribiwnlys Apêl Cyflogaeth**, edrychwch ar y daflen T437 'Ffioedd Tribiwnlys Apêl Cyflogaeth' yn <http://hmctsformfinder.justice.gov.uk>

Os ydych yn cael trafferth darllen unrhyw un o'n taflenni ar-lein, cysylltwch â'n Llinell Ymholiadau Cyhoeddus, Cymru a Lloegr 0300 123 1024 neu yr Alban 0141 354 8574 a byddwn yn anfon copi atoch.

Ffioedd tribiwnlys cyflogaeth

Mae'r daflen hon yn dweud wrthyf sut i gyfrifo pa ffioedd sy'n daladwy gennych, ac mae'n egluro sut a pha bryd y bydd rhaid i chi eu talu.

Efallai na fydd angen i chi dalu ffi tribiwnlys oherwydd eich sefyllfa ariannol, neu os byddai talu ffi yn achosi caledi i chi. Mae'r ffurflen 'EX160A Ffioedd Llys a Thribiwnlys – Oes rhaid i mi eu talu?' yn rhoi rhagor o wybodaeth i chi am y system dileu ffi ac yn cynnwys ffurflen gais i ddileu ffi. Mae'r ffurflen EX160A ar gael o unrhyw dribiwnlys neu oddi ar ein gwefan <http://hmctsformfinder.justice.gov.uk>

Os na fyddwch yn gymwys ar gyfer dileu ffi, mae'n rhaid i chi dalu ffi pan fyddwch yn gwneud eich hawliad (ffi cychwyn), ac yn ddiweddarach os bydd angen gwrandawriad (ffi gwrandawriad).

Mae'r swm y bydd angen i chi dalu yn dibynnu ar:

- y math o hawliad neu apêl yr ydych yn ei wneud; ac
- a yw'n ffi cychwyn neu'n ffi gwrandawriad.

Mae'n bwysig iawn eich bod yn anfon y ffi gywir gyda'ch ET1 (y ffurflen hawlio).

Os ydych wedi nodi drwy roi tic yn y blwch priodol ar yr ET1 eich bod yn ceisio am ddileu'r ffi, y ffordd gyflymaf o ddelio gyda'ch hawliad yw drwy anfon y ffurflen gais am ddileu ffi (EX160A) a'r dystiolaeth gyda'ch ET1. Os byddwch yn dewis anfon eich cais am ddileu ffi ar wahân, rhaid i chi ei hanfon o fewn 7 niwrnod wedi'r diwrnod y bu ichi gyflwyno eich ffurflen hawlio ET1. Os na fydd y ffurflen gais am ddileu ffi a'r dystiolaeth yn cyrraedd o fewn 7 niwrnod, byddwn yn gwrthod eich hawliad ac yn anfon y ffurflen hawlio yn ôl atoch chi. Os bydd hyn yn digwydd, bydd unrhyw derfyn amser sy'n berthnasol i'ch hawliad dal yn sefyll, ac mae'n rhaid i chi ail anfon eich ffurflen hawlio, ynghyd â'r ffi gywir, o fewn y terfyn amser hwnnw.

Os byddwch yn ail anfon eich ffurflen hawlio ar ôl y terfyn amser, cewch gyfle i egluro i farnwr cyflogaeth pam ei fod yn hwyr, a gofyn iddo ganiatáu estyniad i'r terfyn amser. Nid oes sicrwydd y bydd y barnwr cyflogaeth yn cytuno i roi estyniad i'r terfyn amser, a gall wrthod gwrandawrio eich hawliad.

Gallwch dalu eich ffi a gwneud eich hawliad ar-lein yn y cyfeiriad canlynol.

www.employmenttribunals.service.gov.uk

Mae'r system ar-lein yn ffordd gyflym, syml a hwylus i chi anfon eich hawliad atom. Mae'n golygu na fydd rhaid i chi anfon copi papur o'ch ffurflen ynghyd â siec neu archeb bost drwy'r post, a chewch hysbysiad ar unwaith i ddweud fod eich hawliad wedi cyrraedd ac y cymerwyd eich taliad. Bydd y system ar-lein hefyd yn dweud wrthyb beth yw'r swm cywir i'w dalu.

Os byddwch yn anfon eich hawliad drwy'r post, bydd yn cymryd rhagor o amser i'n cyrraedd ac i'w brosesu.

Adran 1 – Ffioedd ar gyfer unigolion

Cam 1 – Pa fath o hawliad rwyf yn ei wneud?

Mae'r ffi y bydd rhaid i chi dalu yn dibynnu ar y math o hawliad neu apêl yr ydych yn ei wneud, a pha un ai a ydych yn gymwys am ddileu ffi ai peidio.

Am ragor o wybodaeth ar y cynllun dileu ffioedd, cliciwch ar y ddolen i'r canllaw ar ddileu ffi sydd ar dudalen gyntaf y daflen hon.

Mae hawliadau '**Math A**' yn tueddu i fod yn rhwyddach i'r tribiwnlys ddelio â nhw, ac felly mae'r ffioedd yn is. Maent yn cynnwys hawliadau am:

- gyflog heb ei dalu;
- cyflog yn lle rhybudd;
- taliadau dileu swydd; a
- chyflogwr yn gwrthod amser i ffwrdd o'r gwaith i fynychu dosbarthiadau cyn geni.

Mae hawliadau '**Math B**' yn faterion mwy cymhleth i'r tribiwnlys wneud penderfyniad yn eu cylch, felly mae'r ffi sy'n daladwy'n uwch. Maent yn tueddu i fod yn hawliadau sy'n ymwneud â:

- diswyddo annheg;
- cwynion ynghylch gwahaniaethu;
- hawliadau dan y Ddeddf Datgelu Gwybodaeth Gyhoeddus (a elwir weithiau yn 'chwythu'r chwiban').

Bydd y system ar-lein yn eich helpu i ddewis eich math o hawliad, ac yn dweud wrthyb beth yw'r ffi gywir ar gyfer y math o hawliad yr ydych wedi ei ddewis. Fodd bynnag, os byddwch yn gwneud eich hawliad drwy'r post, mae rhestr o'r hawliadau mwyaf cyffredin i'r tribiwnlys cyflogaeth yn Atodiad A (gweler tudalen 10).

Os byddwch yn gwneud un math o hawliad, gallwch ddefnyddio'r wybodaeth yn atodiad A neu yn y ddolen uchod i benderfynu pa ffi mae'n rhaid i chi dalu ac yna ewch i cam 3.

Cam 2 – A yw fy hawliad yn cynnwys mwy nag un math o hawliad?

Mae llawer o hawliadau'n cynnwys mwy nag un math o hawliad, ond dim ond un ffi sy'n daladwy - naill ai ffi Math A neu ffi Math B.

Bydd y ffi y dylech dalu fod am y lefel uchaf o hawliad yr ydych yn ei wneud. Mae hyn yn golygu, os byddwch yn gwneud hawliadau math A a math B, **neu** hawliadau math B yn unig, dim ond y ffi math B sy'n rhaid i chi dalu. Os yw eich hawliad yn cynnwys un neu nifer o hawliadau math A, yna bydd rhaid i'ch grŵp dalu'r ffi math A. Dyma rai enghreifftiau.

- Os yw eich hawliad yn cynnwys cwyn ynghylch cyflog heb ei dalu (math A) a chwyn am ddiswyddo annheg (math B), bydd rhaid i chi dalu un ffi ar gyfradd math B.
- Os yw eich hawliad yn cynnwys amryw o hawliadau math A, dim ond y ffi math A y bydd rhaid i chi ei dalu.

Unwaith y byddwch wedi dewis pob math o hawliad sydd gennych ar y system ar-lein, neu wedi penderfynu ar y math uchaf o hawliad o fewn eich hawliad os byddwch yn gwneud yr hawliad drwy'r post, ewch i gam 3.

Cam 3 – Pa ffi fydd yn rhaid i mi dalu pan fyddaf yn anfon fy hawliad i'r tribiwnlys?

Yng ngham 2, penderfynasoch chi pa fath o hawliad yr ydych yn ei wneud, a pa ffi oedd yn berthnasol.

Y ffi cychwyn ar gyfer hawliadau **math A** yw **£160**.

Cofiwch mai hwn yw'r ffi cyfan y mae'n rhaid i chi ei dalu pan fyddwch yn gwneud yr hawliad, does dim gwahaniaeth faint o hawliadau math A yr ydych chi wedi eu cynnwys ar eich ffurflen hawlio ET1.

Y ffi cychwyn ar gyfer hawliadau **math B** yw **£250**.

Cofiwch mai ffi math B yw'r ffi gyfan y mae'n rhaid i chi ei dalu pan fyddwch yn gwneud hawliad, neu os ydych chi wedi rhoi cymysgedd o hawliadau mathau A a B ar eich ffurflen.

Os ydych yn defnyddio'r system ar-lein, a'ch bod wedi dewis pob math o hawliad sydd gennych o'r cwymplenni, bydd y system yn canfod y ffi gywir ar eich cyfer.

Cam 4 – Pa bryd y bydd rhaid i mi dalu'r ffi cychwyn?

Rhaid i chi dalu'r ffi cychwyn pan fyddwch yn postio'r ffurflen i'r tribiwnlys, neu pan fyddwch yn cyflwyno eich ffurflen hawlio ar-lein.

Efallai na fydd angen i chi dalu ffi tribiwnlys oherwydd eich sefyllfa ariannol, neu os byddai talu ffi yn achosi caledi i chi. Mae'r ffurflen 'EX160A Ffioedd Llys a Thribiwnlys – Oes rhaid i mi eu talu?' yn rhoi rhagor o wybodaeth i chi am y system dileu ffi ac yn cynnwys ffurflen gais i ddileu ffi. Mae'r ffurflen EX160A ar gael o unrhyw dribiwnlys neu oddi ar ein gwefan <http://hmctsformfinder.justice.gov.uk>

Cam 5 – Sut wyf yn talu'r ffi cychwyn?

Os byddwch yn cychwyn eich hawliad ar-lein, dim ond gyda cherdyn debyd neu gerdyn credyd y gallwch dalu. Dyma'r ffordd gyflymaf a'r rhwyddaf i wneud eich hawliad. Os byddwch yn anfon eich hawliad atom drwy'r post, gallwch dalu gyda siec neu archeb bost.

Os ydych yn gwneud hawliad yng Nghymru a Lloegr, anfonwch eich hawliad drwy'r post ynghyd â siec neu archeb bost am y ffi gywir i:

Swyddfa Ganolog y Tribiwnlys Cyflogaeth
Blwch Post 10218
Caerlŷr / Leicester
LE1 8EG

neu

DX 743093
Leicester 35

Os ydych yn gwneud hawliad yn yr Alban, anfonwch eich ffurflen hawlio a'ch taliad i:

Swyddfa Ganolog Tribiwnlys Cyflogaeth yr Alban
PO Box 27105
Glasgow
G2 9JR

neu

DX 580003
Glasgow 17

Dylech wneud eich siec yn daladwy i: **Gwasanaeth Llysoedd a Thribiwnlysoedd EM.**

Peidiwch ag anfon arian parod drwy'r post, gan na allwn warantu y bydd yn cyrraedd yn saff.

Os byddwch yn cael trafferth talu ar-lein gyda cherdyn, neu gyda siec neu archeb bost drwy'r post, ffoniwch Linell Ymholiadau Cyhoeddus y Tribiwnlys Cyflogaeth, Cymru a Lloegr 0300 123 1024 neu'r Alban 0141 354 8574.

Os ydych yn anfon eich ffurflen hawlio drwy'r post, ond ddim yn cynnwys y taliad cywir, bydd y tribiwnlys yn gwrthod eich hawliad ac yn anfon y ffurflen yn ôl atoch chi. Os bydd hyn yn digwydd, bydd unrhyw derfyn amser sy'n berthnasol i'ch hawliad dal yn sefyll. Os bydd hyn digwydd, mae'n bwysig iawn eich bod yn anfon y ffurflen hawlio yn ôl ar unwaith gyda'r tâl sy'n ddyledus, i leihau'r risg bod eich hawliad yn rhedeg allan o amser.

Cam 6 – Pa ffi fydd yn rhaid i mi dalu yn y gwrandawriad?

Byddwn yn dweud wrthy ch pa ffi y bydd rhaid i chi ei dalu a pha bryd fydd angen i chi ei dalu mewn llythyr a enwir 'hysbysiad i dalu'.

Y ffi gwrandawriad ar gyfer hawliadau **math A** yw **£230**.

Y ffi gwrandawriad ar gyfer hawliadau **math B** yw **£950**.

Gweler cam 1 ac atodiad A i weld i ba lefel y mae eich hawliad yn perthyn.

Cam 8 – Pa bryd y bydd rhaid i mi dalu'r ffi gwrandawriad?

Byddwn yn dweud wrthy ch pa bryd fydd angen ichi dalu'r ffi. Os na fyddwch yn talu'r ffi pan mae'n daladwy, bydd eich hawliad yn cael ei ohirio a gellir ei ddileu.

Efallai na fydd angen i chi dalu ffi tribiwnlys oherwydd eich sefyllfa ariannol, neu os byddai talu ffi yn achosi caledi i chi. Mae'r ffurflen 'EX160A Ffioedd Llys a Thribiwnlys – oes rhaid i mi eu talu?' yn rhoi rhagor o wybodaeth i chi am y system dileu ffi ac yn cynnwys ffurflen gais i ddileu ffi. Mae'r EX160A ar gael o unrhyw dribiwnlys neu oddi ar ein gwefan hmctsformfinder.justice.gov.uk.

Cam 9 – Sut wyf yn talu'r ffi gwrandawriad?

Gallwch dalu ar-lein gyda cherdyn debyd neu gerdyn credyd yn www.employmenttribunals.service.gov.uk neu anfon siec neu archeb bost drwy'r post (rhowch yr wybodaeth y gofynnwn amdani, os gwelwch yn dda). Byddwn yn anfon manylion llawn ar sut i dalu gyda'ch hysbysiad o wrandawriad.

Adran 2 – Ffioedd eraill

Ffioedd ychwanegol y mae'n bosib bydd rhaid i chi dalu

Os hoffech wneud cais i'r tribiwnlys ailystyried penderfyniad a wnaethpwyd yn dilyn gwrandawriad terfynol, bydd rhaid i chi dalu ffi.

Y ffi ychwanegol ar gyfer hawliadau **math A** yw **£100**.

Y ffi ychwanegol ar gyfer hawliadau **math B** yw **£350**.

Nid oes rhaid i chi dalu'r ffioedd pan fyddwch yn anfon eich cais atom. Ar ôl inni dderbyn eich cais, byddwn yn dweud wrthyhych beth yw'r swm sy'n daladwy. Os na fyddwch yn talu'r ffi, ni fyddwn yn ystyried eich cais.

Ffioedd ychwanegol y mae'n bosib bydd rhaid i'r atebydd dalu

Mewn rhai amgylchiadau, gallwn ofyn i atebwyr dalu ffioedd arbennig. Yr atebydd yw'r unigolyn neu'r sefydliad y gwnaethoch eich hawliad yn eu herbyn yn wreiddiol. Dyma rai enghreifftiau o'r ffioedd ychwanegol y gallwn ofyn i atebwyr eu talu.

Hawliad contract cyflogwr	£160
Cais i roi dyfarniad oherwydd diffyg o'r neilltu	£100
Cais i wrthod yn dilyn setliad	£60
Cais i ailystyried penderfyniad yn dilyn gwrandawriad terfynol	£100 ar gyfer math A
	£350 ar gyfer math B
Ffi am gyfryngu barnwrol	£600

Os ydych chi a'r atebydd yn cytuno i gyfryngu, bydd rhaid i'r atebydd dalu'r ffi cyn i'r cyfryngu ddechrau. Byddwn yn dweud wrthynt pa bryd i dalu. (Cyfryngu barnwrol yw pan mae barnwr cyflogaeth yn siarad gyda'r holl unigolion sydd ynghlwm â'r achos i geisio'u helpu dod i gytundeb).

Nid oes rhaid i chi dalu'r ffioedd ychwanegol pan fyddwch yn anfon y cais atom. Pan fyddwn yn derbyn eich cais, byddwn yn dweud wrthyhych beth yw'r swm sy'n daladwy. Os na fyddwch yn talu'r ffi, ni fyddwn yn ystyried eich cais.

Adran 3 – Cwestiynau cyffredin

Beth os byddaf yn talu'r ffi anghywir?

Os byddwn yn sylweddoli eich bod wedi talu ffi math B, ond wedi gwneud hawliad math A, byddwn yn ad-dalu'r gwahaniaeth.

Os byddwch ond wedi talu ffi math A, ond wedi gwneud hawliad math B, byddwn yn ysgrifennu atoch i ofyn ichi dalu'r gwahaniaeth. Os na fyddwch yn talu'r ffi ychwanegol cyn y dyddiad a roddir ichi, efallai byddwn yn gwrthod eich hawliad.

Os na fyddwch yn gwneud y taliad ychwanegol, ac y gwrthodir eich hawliad, disgwylir ichi ail gyflwyno'r ffurflen hawlio o fewn y terfyn amser gwreiddiol.

Os byddwch yn ail anfon eich ffurflen hawlio ar ôl y terfyn amser, cewch gyfle i egluro i farnwr cyflogaeth pam ei fod yn hwyr, a gofyn iddo ganiatáu estyniad i'r terfyn amser. Nid oes sicrwydd y bydd y barnwr cyflogaeth yn cytuno i roi estyniad i'r terfyn amser, a gall wrthod gwrando eich hawliad.

Alla'i gael fy ffioedd yn ôl?

Mae gan y tribiwnlys y pŵer i orchymyn yr atebydd i ad-dalu unrhyw ffioedd a dalwyd gennych, yn ychwanegol i unrhyw ddyfarndal y bydd yn ei wneud. Y sefyllfa gyffredinol yw, os ydych yn llwyddiannus, bydd yr atebydd yn cael ei orchymyn i wneud ad-daliad i chi, ond nid oes gan y tribiwnlys bŵer i orchymyn bod y ffioedd a dalwyd yn cael eu had-dalu os ydych yn colli'ch achos. Gallwch ofyn i'r tribiwnlys wneud gorchymyn i ad-dalu ffioedd pan fo'n ystyried y dyfarnal y byddwch yn ei gael, neu ar unrhyw adeg hyd at 28 diwrnod ar ôl y dyddiad yr anfonwyd eich dyfarniad atoch. Yn y pen draw, lle'r tribiwnlys yw penderfynu a yw'n briodol i'r atebydd ad-dalu rhywfaint neu'r cyfan o'r ffioedd yr ydych wedi'u talu, os ydych yn llwyddiannus.

A fyddaf yn gyfrifol am unrhyw ffioedd y mae'r atebydd wedi'u talu?

Os bydd yr atebydd yn talu unrhyw ffioedd, gallant ofyn i chi eu talu os byddant yn llwyddiannus. Y tribiwnlys sydd i benderfynu a yw'n briodol i chi ad-dalu unrhyw ffioedd a dalwyd gan yr atebydd, a chewch gyfle i ddadlau dros beidio â gwneud hynny.

Beth fydd yn digwydd os byddaf yn talu'r ffi gwrandawriad ond yn tynnu fy hawliad yn ôl, neu'n setlo'r hawliad, a ddim angen y gwrandawriad dim mwy?

Ni fyddwn yn ad-dalu unrhyw ffioedd a dalwyd gennych os byddwch yn setlo'r hawliad.

Os ydych am setlo gyda'r atebydd, rhaid i chi benderfynu ar y telerau rhyngoch chi, ac ni fydd y tribiwnlys yn rhan o'r broses. Dylech sicrhau eich bod yn trafod unrhyw ffioedd a dalwyd fel rhan o'ch cytundeb.

Beth fydd yn digwydd os byddaf yn cychwyn fy hawliad fel unigolyn, ond yr ychwanegir fy hawliad at rai eraill ar gyfer y gwrandawriad?

Os byddwch yn dechrau eich hawliad fel unigolyn, byddwch yn talu'r ffi gwrandawriad sengl. Ni fydd unrhyw benderfyniad a wneir gan y barnwr cyflogaeth ynglŷn â'ch hawliad yn effeithio ar y ffi sy'n daladwy gennych.

Os byddaf yn talu'r ffi cychwyn, alla'i wneud cais am ddileu'r ffi gwrandawriad?

Gallwch. Os yw eich amgylchiadau wedi newid ers i chi dalu'r ffi cychwyn, efallai na fyddwch yn gymwys i gael dileu'r ffi gwrandawriad. Darllenwch y daflen canllaw ar ddileu EX160A am wybodaeth ar sut i wneud cais.

Fodd bynnag, os oeddech yn gymwys ar gyfer dilead gyda'r ffi cychwyn, ond bod eich sefyllfa wedi newid ers ichi wneud yr hawliad, efallai bydd rhaid i chi dalu'r ffi gwrandawriad.

Beth fydd yn digwydd os na fyddaf yn talu'r ffi cychwyn?

Mae'n bwysig iawn eich bod yn anfon eich ffi neu eich cais am ddileu ffi ynghyd â'ch ffurflen hawlio. Os na fyddwch yn gwneud hyn, byddwn yn gwrthod eich hawliad ac yn anfon y ffurflen hawlio yn ôl atoch chi. Os bydd hyn yn digwydd, bydd unrhyw derfyn amser sy'n berthnasol i'ch hawliad dal yn sefyll, ac mae'n rhaid i chi ail anfon y ffurflen hawlio, ynghyd â'r ffi gywir, o fewn y terfyn amser hwnnw.

Os byddwch yn ail anfon eich ffurflen hawlio ar ôl y terfyn amser, cewch gyfle i egluro i farnwr cyflogaeth pam ei fod yn hwyr, a gofyn iddo ganiatáu estyniad i'r terfyn amser. Nid oes sicrwydd y bydd y barnwr yn cytuno i roi estyniad i'r terfyn amser, a gall wrthod gwrandao eich hawliad.

Beth fydd yn digwydd os na fyddaf yn talu'r ffi gwrandawriad?

Os na fyddwch yn talu'r ffi pan mae'n daladwy, bydd eich hawliad yn cael ei ohirio a gellir ei ddileu.

A yw fy ffi yn sicrhau y bydd fy ngwrandawriad yn mynd rhagddo ar y dyddiad a restrwyd?

Byddwn yn gwneud popeth y gallwn i wneud yn siŵr bod eich gwrandawriad yn mynd rhagddo ar y dyddiad a restrwyd, ond bydd adegau pan na all fynd rhagddo. Os na fydd eich gwrandawriad yn gallu mynd rhagddo ar ddyddiad penodol a'ch bod wedi talu ffi gwrandawriad, ni fyddwn yn gofyn i chi dalu ffi ar wahân ar gyfer gwrandawriad newydd.

Os byddwch yn talu ffi gwrandawriad, ond nid oes angen y gwrandawriad oherwydd eich bod yn setlo neu yn tynnu eich hawliad yn ôl, ni fyddwch yn gymwys i gael ad-daliad o'r ffi. Dylech sicrhau eich bod yn trafod unrhyw ffioedd a dalwyd fel rhan o unrhyw gytundeb.

Atodiad A – Mathau cyffredin o hawliadau

Hawliad	Math
Torri amodau contract	Math A
Tâl dileu swydd	Math A
Didyniadau heb awdurdod (Deddf Cyflogau yn flaenorol)	Math A
Datganiad ysgrifenedig ynghylch tâl	Math A
Datganiad ysgrifenedig o'r rhesymau am ddiswyddo	Math A
Datganiad ysgrifenedig o'r telerau ac amodau	Math A
Trosglwyddo ymgymeriad – methu hysbysu ac ymgynghori (TUPE)	Math B
Colled am orfodi'r isafswm cyflog cenedlaethol	Math B
Gwahaniaethu ar sail rhyw	Math B
Gwahaniaethu ar sail oed	Math B
Gwahaniaethu ar sail anabledd	Math B
Gwahaniaethu ar sail hil	Math B
Gwahaniaethu ar sail crefydd neu gred	Math B
Gwahaniaethu ar sail cyfeiriadedd rhywiol	Math B
Rheoliadau Gweithwyr Rhan-amser	Math B
Dileu swydd - methu hysbysu ac ymgynghori	Math B
Dioddef colled/diswyddo annheg – beichiogrwydd	Math B
Diswyddo annheg	Math B

